尚

書

質

疑

所與信者信所同也信 尚書應制科其 期組通便作文時 是異未必盡非也 御纂則稍稍 義而條貫之未 水諸漢唐則 始 不過 知 諸 俗 而髮者 所信而仍不能 稍 離平蔡傳 謂之 為章句之學 稍 和鹿 知 經肯旣 所 同之異異之 疑又 泉趙 無疑 求 家也 佑 恥 直

或信之聚訟糾紛而書之爲書乃幾幾乎日在烟霧 何所衷以言考信爰是積歲月窮網羅費麥悟苟有 迷茫中嗚呼難言之矣後生末學守其一得之見將 就吾所為不安于陋且被者存以備他日之質而已所得輙從而筆之久久漸多夫豈敢妄爲異同好亦 然則終不能無疑也疑者信之資遂命之日尚書質 舜乾隆二十有九年甲申四月爲之序 秦火而後粗幸得傳叉或傳或不傳于是或疑

· 司事 轰 起 一 卷 上 月 次	書後八篇後又一篇	議一篇	考七篇	辨五篇	<u></u>	解十五篇	說十九篇	尚書質疑目次

望溪方氏李論難易精矣方則日能偽爲是者誰與河毛氏冤詞爲最勤然片言折衷莫善于安溪李氏 先儒多疑古文尚書之偽予嘗稱線其說蓝真甚于 以今文立學取士者從而辨之者亦非一家以今西 元明至有橫加紙斤如闢異端于其私刻止存今文 一十入篇而古文則全削去者復有形諸奏牘論專 **建党** 至 周以來著書而各自名家者其人可指數也言之 道吳若苟子董子取一子之精言而措諸湯語 尚書 古今交說

學尤文之醇乎醇者而必以字句平易疑之豈聖 之言必艱深險雄而後可即可謂明辨哲矣竊因是 後也荀董之倫是也姑無論魏晉士大夫之爲學了 丽 訓說命之間弗肖也而兄其下焉者歟嗚呼此語 究而論之夫人立言而潛之于書者將以自見而傳 偶見其私稿書說一篇雖未名于時其末日尚書 九皆聖人之言而古文二十五篇中如禹謨虺誥 ノー コリー・エー・スクー 昭如日星焉用曉曉聚訟爲有歸安沈楊德 德說命或言心言中或言性或言德或言

執文字之常格 一中言性言德言學之學與識其爲祖周 朝傳之其人而必蹈襲陳言依託古體身名旣 矣 則 所言其必非有能偽爲之也益信孟子曰誦 其書不知其人可乎是以論其世也或者不 不彰不得享是書之 語于斯即使當此之時而果有 何 不出此愚于此者必不能智于彼則 不自成一 以律古經其實愈多而見則愈陋 編 **福轉徒以供後人之集** 著其邑里姓氏授受之本 人焉具是言 孔 孫程 詩 荷

然日何修而得此謬譽于千載下也且舉而歸諸皇甫謐之徒吾恐謐如有知且當 听

莫之改也故難者愈難孔壁自其狡出時間或增減皆可知者也此其所以平易也又曰伏生之書其女皆可知者也此其所以平易也又曰伏生之書其女難者非正因難而得者哉至于孔書之反易葢其甚必多誦數多者著心必堅牢永久安知伏生偏得其 安溪先生之言曰人之于書也其鉤棘整牙者誦 尚書古今文說 者有之又藏外而後顯安必傳者無潤

藝文志 言伏生 因 數十篇獨得二十九篇即以教于齊魯之間漢 其間哉故易者愈易論之平允無踰 周誥殷盤詰屈嗸牙山堂章氏日典謨貢範 볘 說而爲之辭耳其實伏生之書固不盡 一藏之其後兵起流亡漢定天下伏生求其書 一有記誦 口授事也案史記儒林傅秦時 同則是伏書亦出自壁中自有 明白坦亮如故獨盤語有艱採焉且史未 逃搜索者 傳本當時 此矣然 難韓 猶 同

本經 受之先而 訛使人不得不服西河考辨之强夫难其非 所 打量定走一天二 有老不能正言使其女傳言教錯之文諸說因之 一語奇零偶及存大傳中唯其寫而藏之也 也是以亡失者即不能記然且九共帝告尚 觀額達于安國序疏顯有出入諸家徒此 謂口授傳言者亦止授以屬讀大義並非 亦寫而藏之並非讀而記之當孝文未使掌故 口以傳授乃出安國序中語而衞宏定書序復 伏巴出其書為山東大師久矣其謂失 9 一以其寫 讀而 全 不 執

無考 知 察仲之命冏命之屬或出當時 非調易讀者必皆偽也故于 耳葢朱子之疑古文亦以其容有 其技之 其難 之類爲 秦謀故爲今文而竹簡多年易 潤 即其現存安免脫 色洵情理之易明也但此論又毛氏所 者 也艱自 **地迨至孔壁之出則又轉** 時告語百姓雜以方言而遂 不能無假借增城而又傳 誤此 固不待語音之轉易而 論 難易 致 他 資今文 剶 人 爛 潤色 說 則以 之 以 ラ 不 也 相 肯

**通而今不以為疑逸周書七十一篇訛損多矣而今不以為疑逸周書七十一篇訛損多矣而今年日故称自今文耳是適足以証伏生之非偏記難矣** 是一話不可勝詰矣然而就朱子之言則亦未能無過 是一時不復細别其所以然于是古文純乎偽誤 過一等不以為疑逸周書七十一篇訛損多矣而今 是一時不復細别其所以然于是古文純乎偽誤 後世詞臣所為者後之人徒藉口伏生偏記難所 以爲信可見眞僞之全不係是也况古叉何嘗 矣彤易温

高先儒既謂其錯亂不可曉是皆傳受多而稱 一篇先儒既謂其錯亂不可曉是皆傳受多而稱 一篇先儒既謂其錯亂不可曉是皆傳受多而稱 一部古文府書經文斷事。 「所存有古文尚書經文斷事。」 「所存有古文尚書經文斷事。」 五歌之 帥 **被天常** 盤 庚之惡之易 也左 傅

八月日本に見るた! いなり上 馬鄭所注古文乃杜林斯傳漆書本非張霸之三古文不立學故稱逸書非諸儒全未之見其斷買 已偏蔽時多且好以與人嫚罵為說經兩光足訂額達以來之誤但其大意專 之體學者自可覽西河全集而得之 仲 山傳是齋 注古文乃杜林 日記謂漢功令今文立學稱 鹿泉 叉記 倘

古有處書故列處書有馬謨皋陶盆稷故列馬商盆稷孔子远而不作也自春秋傳多引為頁者為正允矣書籍子商人所述故也察傳則日養說者紛紛唐孔氏以為事關禹而述傳之引其說王氏樵遂謂春秋傳據所成孔子原所作其說王氏樵遂謂春秋傳據所成孔子原所作其於土氏樵遂謂春秋傳據所成孔子原所作其於土氏進遂謂春秋傳據所成孔子原所作為皆是人人年季孫行父日故虞書之名不起于孔 則日 引書 作氏 省 竊 更

亦于三聖相傳之道未見有離也而必倒亂氏又日升禹謨于虞書以著三聖相傳之道 定則是奪有以予無瘠彼而肥此孔子奚取定則是奪有以予無瘠彼而肥此孔子奚取此及案百篇序目虞書合十六篇夏書獨四此又案百篇序目虞書合十六篇夏書獨四 定 商以此 也三旗 又 案 百 篇 序 目 虞書 較量于文字 列傳 也汨作九其豪飫八書十表之屬 書 之前而已謂之虞書 而 四篇 孔 1彰彰 子

巴 修虞書官 冠 这 生日上 アル 引 以本 左氏之 断章 朱史未間據 是故隋書成于唐 何 先 朝 為多率意所出豈 具其略 調之處書必也烏有没前人之正 失而誣古史之真飾聖人之 取易姓之典章而謬 萬古史 如 所 而 日知錄 其 成之時 、成書 法之 則 調 之 至謂 以 暇 궲 則于後 考正今 為名 隋書宋史成 地 间于 者 則以 궲 乃欲指 牒哉古 夏之 于元 統 則

而堯 主紀舜 禹 電馬方人 光 法也 典亦 必 何盎 方也何 能 謨 傳之 始 非 自 時 在 列 尼 夏 し所り 書 事 山有 馬**謨于舜典之** 虞 天 弗 于虞 以 故 書 下也受之 叉 思 爲經 所 馬貢 列堯典于 加 日 蓋史臣 進 以 巴 自在 地貢夏 退于 矣 夏 人投之 史 舜典之 原 後 其 夏書當日作者之 而 之 本前功以 以 間虞書前唐後夏貴 追 賦法 者 紀二帝不謂之 九此之謂不與一九此之謂以著舜受 也 為禹 九 舜受 州 夏 錄之 而

打造工を一人名上 第省皆深于求聖人之過也應泉并識開必在虞書之內夏史油入夏書或仲尼始退其觀首尾稱禹而不及帝非夏書而何而唐孔氏獨

書寫偽作願寧人日古時有堯典無舜典以夏之史書一帝同典五臣同談始信古人制作編採益疑孔 史追堯而作紀不應以夏之史獨略舜而無書堯禪 獨没其文非例也夫五臣以禹稱首即欲并為一 世之所以疑典謨者子始亦聞而疑之 有例焉堯典處史作也舜典以下夏史作也以處之 **巾追紀一一帝之事則言堯可以見舜夫作史有體** 而攝位諸事倫紀之以彰受命之原不應舜禪 書東近一七七 **虞書說** 郝 궲

再筆皆聖人之徒斷不出此是故有堯典必有舜典 的交際之竒而統紀不正于上表章不脩于下當日之臣而獨略本朝之祖非體也以是爲渾而一之以 夫是乃 顯從特傳之 日推高宗報上甲微此類並非收拾無乃旗吳草廬所云傳記稱逃收拾無遺獨無謨孟子勞之來之云云何不更取 以皐陶名篇明矣且舜禹君也皇 1 2例而君乃屈 就附見之文詳推先代 相 臣 也 也

稷固當別有其篇而軼之矣非暨盈皆曼とて下下之言而以阜陳謨始以亀殿言於體例則一則疑為馬陳謨始以馬征苗終皐陶主乎皐故其中亦有以義參之禹謨主乎禹故其中非無皇盆之言而 亦合為一而别 也善乎安溪李 陶謨盆稷伏 强為 阜啊 阿謨中分以俗之非其實也此李氏日百篇序名原有盈稷五角而軼之矣非暨盈暨稷之立 出葉稷篇名列在大禹 八生本合為 一次本有不可强 篇馬 爲 無 · 謨之 鄭 肵 所 有禹 而 次

有其目疑古交者往往訾孔而取鄭則以二篇為不訾其所有且舜典大禹謨鄭注古文二十四篇中並善之失或安國秘较時之誤耳吾方惜其所無而何 伯書質報一名 當有者非適自相刺謬而已乎

僅得僑立河南傳仲及相是時羿則襲夏都僭尊本希耳三代之天下唯夏統當中斷太康遭距失少甚矣杷不足徵也雖然古者帝王之書掌于外外,以此外,以為此不足徵也雖然古者帝王之書掌于外 本 分 書說 其勢略如後世南 但八歲通鑑網工大紀即以少· 年有甚干漢· 目康 Z 北 前生新 朝 初唐之周者皇極 知順襲夏都僭尊時 編之 從年之 滅 書掌于外 之爲 可

方策之散棄旣多亂離之可紀尤鮮其後又非 聖六七作之盛更千數百年之久宜乎典章湮缺嘉 實存五歌以補夏詩錄仲康以熙偽統如是而 懿行排纂良難故次甘誓于禹貢之後以著敬 子稱虞夏之書渾渾爾正義言馬鄭王別錄皆 虞夏書孔傳未出時今文二書篇第尤簡故虞 題

駿 誹 伊 讀商書仲虺之誥一篇之中而仁義禮智信五常之 名畢備舜日人心惟危虺曰以禮制心唯危故以禮 制之唐虞言心言中之旨至虺而大暢孟子稱之 氏所謂以口舌代鉄鉞忠厚之至哉夫民非可 厲嚴肅治天下而虺之稱湯則日克寬克仁唯 尹並爲湯見知信乎其學不在聖人下矣商道 而王終不怒益自引咎話弗率以喻之而已豈 日代虐以寬逮其中葉以盤庚之賢民或逆命怨 青寅年 长上 商書說

發首言降衷言恒性夫惟聖人之心視天下無知 甫定之 亦非美言小數之爲也讀湯浩精深而婉擊當天下 以威武則吏道由此益襟人心之獸滋甚矣古之所 戸曉也為帝王而亟恃其語言文字之力與天下争 践皆可與之 日之是 治人安者其嚴肅不在區區刑政間即其寬仁 初不亟與民約法申禁以新一 則 非其好乃慮煩而本促復不得已而却之 有講學之士而或疑其迂濶無當 相見于性命故其治祥其俗厚 朝之耳目 役 思

語若苗若栗始用叠喻至盤庚說命而其上篇皆通 尚書寅是一卷上 以比體成章法抑亦文章風氣之變也 前此罕以比體行文者唯夏書朽索 喻而已自虺

假諒闇之歲月乞先王之籠靈營于 尹懲甲之不順知其出于習而 商書兩疑案皆為經生家所蒙其 可はおれてたしていないと 一于桀阿衡之勢未得爲渴書並未皆言放而左傳 居憂曷為乎桐宫吾蓋以爲 絕遠其耳目近習而潛生其哀敬悔悟然而其 子皆明以放為說或者覺其不安乃以居憂當之 高宗夢傳說夫臣不可以放君也太甲之罪不 商書說一 非性 尹不得已之 之不可教是 權

宗固云思道豈緊思夢吾以爲是亦高宗之權 為後世霍光以下人立之防如此夫夢不可以徵 局宗舊勞于外處民間者久必有以習知版築之 聞天語之諄諄大人之占可廢司徒之三物且高 訓故隱其詞唯孟子亦曰無伊尹之志則篡 明明選舉大典而聽命杳冥之中則將舜禹之薦 難其舉彼貝玉在位之徒聒聒險膚鮮有肯降 | 隣于放矣唯良史知尹之志又知其事之不 尚鬼托帝齊以 旭 隱

以訓後世稍不如高宗黃頭郎適貽干古笑矣豈非若過為神奇願乃適償疇昔耳然而其道則終不可 **讀書貴善鑑别歟是一說也前儒已有及之者子故** 前野氣死人能上 由釋而申其義

之氏有 秋 山丁世可等。至上 不善不 **八**各 日史臣原文 增損 載夷齊之言譏武王揚夢以說衆是其中 其書明整 泰誓詞 經籍 埃出之 如是之甚疑即指泰誓所言而發呂氏 潤 色蔡 廹 之 **上央非後世所** 然 而傲誠有如吳氏 傳因之 後殆事之無足怪巳自微言絶 且不免取二三策之議况夫私 如聚訟葢莫甚于文武周公 調 非盡 能 附會予惟子貢 肵 出 談林 一人 TH 之 氏 口唯 則疑 非 無

之命言固有約 或 事謂文稱玉謂武觀兵謂公踐作或本傳記之妄篡 為疑信者皆多言而好事也 稱 同焉誦讀之中端在善學者裁之以理而會通其變 于論 因解家之誤持朱儒辨正功不可改矣其實服事 不可讀之書吾是以竊哂夫曉曉然執偏應 語 戎衣見于武成中庸位冢宰著于蔡 而可以制繁後而可以證前者即

年事竊以經日新造邦又日小子同未在位似勝為召公告老周公留之胡氏金氏則謂在成 貞而宏康濟也然君奭之作蔡傳不取史 政之肯相表裹及觀君與惓惓于天越民之讀召皓始終以一敬為誠民祈天之本 敬德知召公益 公周公之亞 皆質死へ於上 湿蓋是時主 也周公而下召公太公次之 少國危正大 得自周公平日之 臣同 一教者深 心戮力之 )本與無 足是公 故能 |而要 傳 秋

憂患之時黽勉交濟于晏淸之後可謂至矣或日 懼周公恐其稍步畏避故作是以開之篇首 召皆親臣故不 初年太公尚在何獨稱我二人曰兄弟之詞也 退也而猷裕之告成功之朂葢欲其從容鎮定 敢知後 公者自揆才德 日惟時二 則四人何以不數太公日金 及異姓猶殷臣之不數傳說爲 未及周公方將抱疑難弗克勝 一人弗戡承召意而言未嘗 天 所 日

公日在武丁時則有若甘盤維說命亦日台小子舊生行已格君之大而尚書又不載夫豈史之失數周 丁生できると 太公寂寂無所見豈以袁耄哉而蘇泰獨得陰符之 一、迪高宗之實言行俱莫可得考也然則史之失 于廿盤知盤之學不在傳說下而其所爲學與 以爲揣摩果何以稱焉若丹書一 書太公之交獨關不應周召皆屢有陳戒于王 則未精耳抑有慨焉史稱問公學太公見劉 諸蔡傅呂氏 似更明切但其不免徇史 箴可以現公 向 政

謙不以自比焉見大雅縣末章疏中 <sup>附 記</sup>鄭氏君奭注云不及呂望太師也敎交王以大德亦多矣 伯 宣母 | 文|

其病 古雄才大略 其有荒德 而已耳則豈別無 許之者傳所 而求息始 民氣 于成康乎葢 而 能 戕 221 Ź 聖. 自 國 + 回心以合乎道 調善補過也先儒之談周穆王 回心以嚮乎道幸獲安全君子 豚 穆王 猶 力皆足以大有爲爲之一不 可采者胡獨于穆 以與數世之禍君子病之及 錄其書為不 一者周王之 者 也其 以 能大有為為 之 人廢言噫 荒 一而錄

爲 之 必 光烈至親 中才以下 有 徒 周道盛衰 書僧分り名 再 有車轍馬跡于是造父之御入駿之 復興明 而忘其本傳 命 爲鬼 之穆 伯 肵 方 升降之 且近 德之意使其由是充之益懷永 問 以以爲 以 之勲城偃亦足 可 能 大僕正初政循循修教養愼 而適當昭王失 及哉情 所載 大 關穆能卓 皇漢武之先導此則穆之 乃此心 極怪奇悠繆不可信 雄踐奄之烈夫 然一 取南征不 肆 命君 周行 乘 嬉游 牙以 復 圖 Z 奚 昶 之 即

之 哀矜怒惻以立輕重之權讀呂命而可以見其反已 **耄而智及念夫民命之重唯刑吏道之骸唯貨不** 冏 贝 氣耗而復 此 命著穆 正焉愛物之誠焉吃官司翼子孫之實焉使夫 為荒也雖然亦其中道之失已耳夫人主常不能 悔猶免于亡穆則終聽 所招之 諫克懲醉飽之心 後志而莫大乎知**悔禍秦唯不知悔而亡孝武僅** までするまで、大いより 也宜乎孔子取之特錄三篇于成康之末 滋國脈践而猶植周道之降而不違 所以正其始甫刑著穆所以正其終 降 勝

言乎罪之輕者大辟而猶贖烏乎道曰彼固謂其 示萬世君人之 赦者也 泉髮而辟之 者則穆之為穆良非中才以下矣或日處書贖 囧 固 敬爾 將不 鍰者王道之因時 何敬非刑 非 輕 由狱 足以容 粥獄也古之獄簡後之獄煩煩故可 動 則濫遽赦之則玩不辟不赦而老 日 以長我王國兹式有慎以 戒匪獨言也降自共懿而遂 且非 咸中有慶而周家忠厚之祚 為天收者所以樂生之心 而制宜用以濟刑之窮 列 用 死

緊並淺鮮哉 盆延于折獄之中是又不徒一身之補過而已其所 **南對東延平在上** 也初脫稿時頗有疑為無道主翻案者垂今二 就舊說而用盤與自荒祇德語義非主本書荒字 與子合陳氏及謂儒者以穆王巡游無度財匱 勞未年為此一切權宜之獨以飲民財此又揣 年得讀明陳第季立氏尚書疏行其論穆王事 王之意非定當以蘇氏讀為不刊予之為此亦聊 察誤讀耄荒一字為句遂若周史已有顯誠穆

黄鐵銅 也鍰六兩其價亦廉古之贖皆用銅漢之過古者金銀銅鐵皆謂之金傳曰此所罰黃 攺 此 用黃金 戊戌十二月自 但少其斤兩耳則予說所未備并附 記 始鐵

支侯之 不知平之失不在于遷在于失其所以遷之本遷而之命而紀之爾世之論者徒以遷都失地爲平王咎 不紀而其事陋略無足紀者有文侯之命則取文侯 遷之始 **書**質疑人卷上 之地未嘗不昌平王雖處公劉太王之時之地未 爲安之也古遷國之君日公劉太王平王然而 太王遷以昌平王遷以微公劉太王雖處平王 周 書 説 命義不繫乎交候之命也紀平王也平王東 周道之亡而終不復者平王為之不可

而 廟之淪棄不遑恤也偏已除位已定則國家已 成吾王之處無不可以安而止故雖君父之大仇宗 于本心之理絶矣葢平王之志在乎王而已苟可 全盛之勢有益騎暴為慘巴耳故曰不遷亦亡也 而後策 不能救終且不能討而反り其立巴而德之 不微而極于亡雖 邦而王之心不甚泰然乎哉若是者雖處之 功行賞處堂而作太平之談日其歸視爾師 可繼者其本正也平王與知申侯之弑其父 不遷亦亡也何者君子創 無事 此

尚書質疑人卷上 宗周者魯也亡周者秦也周衰可望唯魯而終以不 振 有可以至于王之道而周不能不為秦矣故义托 雖其始暫出于遷未見其終出公劉太王下也嗟乎 況乎其遷者哉且夫洛邑者武王之所欲都而 修 周 以至于亡聖人非必知秦之亡周也悔過一 明德伸大義有枕戈誓衆之志無懷安敗名之失 公成之者 也何失地利之有向使及平之身誠 成

誓于四代之末所以望魯者至矣故日魯 金 道顧竊害稽當日諸侯之失道唯魯乃爲特甚案前 古子 はりとは 稅歐公羊傳識始優歐而稅也胡傳 載昭王十四年魯侯之弟灒弑其君幽公而自立 子因魯史而修春秋于詩進魯于碩于書則列費 也自是作 春秋弑君三十六魯則四之宣公十五年經 日弑君爭國之 周書說五 邱甲用田賦皆謹書之 滿自此 始而王不能討失政甚 話 一變至

之而猶望之于是修史正詩序書無在不致其慘慘 **弑君父弊莫甚于寒先王之法而皆自秉禮之宗** 心乎天下之心也 可以息歌頌而思僖公之賢則富教可以興讀費誓 始其何以責天下故曰周公其衰矣蓋傷之至也傷 一意日庶幾後之人觀春秋而思隱公之讓則篡奪 振周京不難復也嗚呼此聖人待父母國之道面 章屋左外外外 思伯禽之功則阻宗開國之勞可以懼而孱弱不 國

皆文相承接所以致誤舜典首有日若稽古伏生 舜典首二十八字古交所無今之家誦戸習奉為 可上記録を出るないと **昏耄何容合之** 得上之 方與采馬王之 者姚方與造也陸德明日齊明帝建武中吳與姚 舜典二十八字說 梁武時為博士議日孔序稱伏生誤台五篇 五典以下為舜典之初若見龍之 (造孔傳又造此二十八字者蓋徒見當時 遂不行用則已明斥其偽矣方典 注 一造孔傳舜典一篇云于大 無首又 新頭買

重華之 朔 經言皆云 典 意 拘 板若是 板 当日人生人大 史德非巴 授 殆以二 政稱 體以有其 克明俊二十八字 載 折元而中 哉克 自 9 省重 明 魏 亡爲元即 工 高 非 非義德潛旣華 盡者獨哲云義 德 配 妄徐見文協収 以 堯 堂 記 經 隆 也與淮明于繼 下 典 喬南溫帝堯 古 格 遂 獨舜典也惜乎江左之儒 也 假易之以新時 于上 古帝舜 傳 大 子素則之 堯 當 亦允堯明 班塞典則 字 下以 典 古 老可之協 變 文 上而 融 初 化無 重 華 帝日 **台** 按明市 人 出 古之文三 建 旟 之 耳 聖經思字堂 榝 七 賢法云可 必 E

**六朝僅一梁武唐初僅一陸氏而聖經雜亂于干** 矣竊嘗合諸家之論衷之堯典斷然當依孟子之 至四海過密八音而止舜典則月正元日即其起句 の可と可と言いない 其文義聯屬上下· 夫得乘其間隋人購**求遽加崇信卓然能識其偽** 若稽古之文而後足完首尾明矣借云必當有之 非獨編簡之分亦以著一代之統也固非必别 于顧命事本一 審訂誤以孔傳之關遂為堯典之終故使妄庸 貫孔所謂誤合也其篇名 者猶益稷之于皐陶謨康王之 Ē 所以 盐

之義存焉詢于四岳以後則授政之大端也愚按 高堂隆之 自 鄭康成 皇或作建立三皇之道解董仲舒對策言舜改正 則亦秀水朱氏有云與其冠以方與之文不若取信 是古今定論古書本無者不可混入今當除 八字但 以傳 **渭舜正建子朱說不爲立** 附 |議雖建皇||字無證文|而月正元日吹 **所音用下肅本庶幾正為粲然不盡** 而直以月正元日爲舜典之初其傳 級于舜典篇題下並採高堂隆十五 異其實梁武之議 去 字 朔 朔

文之舊唯是王注久徑有難盡復然傳可假經必不 尚書類是不舍上 是非之公心也 然于傳尤不能帖然于舜典之傳及此二十八字則 可誣也子于古文不敢妄助諸家之攻而獨不能帖 天

蔡氏之妄毛氏學博辨動而其好紙朱學也過甚 定前乎蔡傳者有劉原父王荆丞程子朱子至蔡氏 李氏病其 發 掇太甚就 加 更 置 稍 還 舊 章 而 仍 不 免 **遂直刊改本並列本經之中厥後震川歸氏今安溪** 謂武成之有錯簡始于唐孔氏而宋儒因之爭相考 الاد مسااسات 二發掇之 一情毛氏僅能接左傳之文以斷底商之 子始亦疑其未的及反覆經文参詳注 迹唯西河毛氏謂武成原無脫誤以 4K. 11 記

作書堂安全 前從略也王 其然也葢經文本分紀事紀言爲兩大截而以旣 事并旣戊午以下至而萬姓悅服皆王述在商之事 以告諸侯之詞即以紀言當紀事彼此可以互見故 也若以事論其先後則此自當在于征伐商之次 末紀言也不但告于皇天后上 段之不當發在前而于旣戊午至末未能貫徹言 孔氏知之也而經統于王若日下旣有王述其事 節横擔之自首至此節紀事也自此節以下 一所以偹述之者庶邦百工多矣有從征 以下為王述告神之

**鲜惟五云云是則新天子之命而庶邦冢君暨百** 在役者有不必在役者有至周受命者有不必即 **计監實疑**《 色上 所為受者也孔氏唯不達其皆王言而以紀事當之 者故必詳舉始末以為宣布中外之實而終之以列 誦薦詞而占史首尾血脈往來變化之妙隱矣然其 于是谓唯作神羞文氣未結轉疑經之大聚百官唯 以不達者葢或疑萬姓悅服無拱而天下冶一 [拱則康王命畢 公亦自言之且經 固相期勉之 一之自言不知悅服自是當時實事何嫌直 語

故文在下耳雖然文何以必在下葢史交原有倒 矣史官探其時日先言告武成既訖然後却說受命 多界幅不可横斷于丁未之前故别出在後亦以重 得無誤日此則孔疏巳明之日丁未巳是月十九 抽叙之法如所謂初所謂先是是也王若曰至末文 云爾 周必不得未受命遽從 礼史固明著其為丁未庚 一命而另提作網也然言旣生魄而不別繫月明當 四月中事先言邦甸侯衛駿奔走而後言受命 又何疑乎或日然則旣生魄在丁未庚戌後豈

之 前事不用言初言先是也此古史之所以高出于 り哲芸王へ於上 **知經原無脫誤則是紛紛者舉可以不必矣** 理 也豈料讀者之紛紛乎夫如是則武成原自完善條 正同顧寧人日史文常患為日月所拘而事不 亦唯歸氏李氏差近于理不至如蔡之破碎然誠 **戊後書癸酉與武成先書丁未庚戌後書旣生魄** 秩如西河謂無脫誤其信至諸家改本就其中論 先書甲午後書癸巳昭十三年平邱之盟先書甲 倒敘插叙之法左傳多有之成十六年鄢陵之戰

小三世紀と今 則西河葢亦未見者併附識焉應泉又記 深論耳錢氏之書向無傳本朱氏經義考云未見 史官所記事節自王若日而下辭無間隔皆述武 安錢氏時撰二十卷其解武成受命于周以前乃 **丙申五月得讀四庫全書新刻融堂書解宋儒淳** 王所告羣后之言喜其先我有合惟既生魄節未 以相連屬故古人立此變例知言哉癸未自記 Ś

無異詞者至朱儒始疑之朱子蔡傳始改篇首王武皆為成王滅武庚以其地封康权周公語之而 亦無異詞 日為武王而 此語其辨甚正金氏通鑑前編奉為實今之學為武王而駁注疏稱弟稱寡兄不應問公代成 詩 以 而 股 非武王時書自書序孔傳鄭氏詩譜以下諸史 據左 唯徐 傳 親蛇 上股族 仲 墟命 山尙 說 及史記衞 公代言 書 王武 B 世家之 祀 王建 立克商大 文天成 可 尚書 命公後定 伐承言之 廣 誅成分周 聽

可短並未 之受土當更何處疑一也由經未其有若汝 义三分之為三監則是 封衛衛者河內殷 康為 权二 特 已幾無 墟 也武王立武庚 地 应 置康

傳

股衛自衛股民自武庚三監之責無與衛事而經不問東並非股東乃既與武庚三監分土而治即股自也而金氏以武王封康叔于股東無論經文東土乃是不一及方三叔叛時叔之進退又當何狀疑二年又非幼則使武時誠封衞其當與三監之列明矣 地 殷 周 一氏叉援 **書質疑べ卷上** 衞 勤 漢書 勤 既違過諸 塌 康叔 以應 盆 保殷民 後打 康 武庚之 权 如 办 此調 贝 難 殷 傳禮 周公嘉 艮 停前後之 世享疑 布茲觀之

說 康 攺 古者 者示不 之不足 建裕 大功無若 叔 善然漢書不先 若 ·若周公者猶儉· 一方者也子故曰封衞步 一、若周公者猶儉· 一 侯 特 君敢 人背可謂之 舉 以 以 界 物 康 郊 地 于左 叔 前 大 命之 史且東征時 心 于 未 太王 靖 武五叔 非 周 于 权亂 1 親賢莫 廟 時 公既 獨 何獨 從 廟 諸自 也 踰 征 遂假 定 然 侯虎 制 叔 者 則 是 于通 當 諒 叩 四 何 國 廟封 盆 又 非

稱 尚書質疑人台上 子也不幸而及大故周公于此有痰心焉而不忍言 亦部武王在天之有隱惝焉而代之言故發首稱 此說與徐同與幾何然其云周公假武王之命旁愛不嫌存以待質傳是齋日記子所未見不 之事亦倍明矣予非樂附毛生而輕違蔡傳然 慈猶丁寧于父子兄弟之間則聖人之情見而當 兄 稱題考略朝廷之義而惟倦家人厥後語一元惡 夫鮮度處之與且與封皆武王之第而文王 王台文王之年以紀歲皆不亡先君之義

前 持 · 任引為助而盛稱之則亦多言之敗矣 · 儒妄傳孔疏 已議之蔡傳辨之甚悉不足取証也 · 何也謂文王攺 元稱王而武王承文王之年自是 · 徐氏第持此作案則非特無以正蔡適足為蔡所

康皓周公代武王之曹也酒皓周公代成王之書也 康誥之 叔于田獨加大于次篇之首章彼爲一人而分題 融本作成王若日見釋文以爲後錄書者加之固 别不傷煩複康點前說已具今詳酒語王若日 材周公代成王又自誥康权之書也古無封爵 而文告勤至于三者如此則三篇各爲義例詞氣 然亦可援以証康誥之有别意者漢儒固有 三三為武王者而于此別繫取便解覽猶詩 與康誥異說 巨 馬

伯書屋左 是亦無足異者矣葢三篇之首本皆當有周公日 权前語專告权此兼告殷民也王于康叔不當稱 故公述王意但名之異于康誥也如以篇中但 如多方之例而于暫誥梓材則尤顯椊材言監查 未爲碍 兩 王不及武王為疑則酒誥有脫簡劉向按書已 日今王定非王自 人而殊號也則酒誥即仍舊爲周公代成王 理明大命于妹邦者周公述王命以命 不與于監武庚明是監 稱則王日封以下周公述王之 殷民而日王

豈 篇首封字而移前惟三月以下四十八字專歸梓 洛時咸勤詩治之事葢作洛時康 **辭篇首之當有周公日叉執定為武王之書于是前** 周 而終歸于經文之 善質是人名上 公日讀之而採其所疏解以易蔡傳于通篇文 離 王事正監之本職乃必斷 明切貫通何當有誤至金氏以梓材為周公 疑三監字之有異義疑後半篇之為臣告 以下周公自申語权之詞也察傳唯 断錯今如依金氏前編作篇首 其非語康叔至欲 叔自當率其民 Ę

		之敘則過自率應耳金說另錄為篇此不倫具云
--	--	---------------------

之前明矣胡氏大紀獨敘多方于前多士 多方金氏前編載在成王五年誅武庚定 則 当年元安 第二上 語固已 安 非無見蔡傅以多士昔脈來自奄下有移 自奄而多士書日昔朕來自奄則多方在多 則營洛時命庶殷之書 知書之前後安國伏生不無所差互繁案此 則 多方在多士前 載 調 在七年意以多方為遷頭民于洛而 逶 民在營格之先矣而不 說 也其說日按多方敍 敢即以多 É 于後云 淮奄之 國過 作 然 稲

出 而當承敍之後矣淮奄自叛夷性無常非必更有 年 至于三之文故于王來自奄仍從孔傳成王即政 鄭康 淮 政明年准奄又叛則是時庶殷亦旣效攻位之 二書參之多士專告殷士者也多方則主乎許 淮 之 兼及從叛諸方者也故其詞責殷爲多若云成 奄事 奄叉叛為說 者一則牽于書序前後一 成說合而書序為失次蔡傳為未精也竊 葢即在周公東征事 如金氏所編 則經文明有至 中與成王政序疏 則是成王不得有 于 殷 重 所 明

前皓 武庚三監者為之倡禁也何與殷罪而經文煩複敦 尚書質疑人卷 殆 所謂至于再至于三者葢必其先已有文告之詞 纫 設詞 不過五年 臣我監五祀由武王立武庚距其東征誅滅計 焉多方誠為遷般而作然始終不及一選字唯 維新之始不 如是且經云天惟五年須暇之子孫又云今兩 而作也是多士之當在多方後又無疑也然 以做 間耳是多方之作于東征後無疑也其 其 岩多士云予惟時命有申顯然爲繼 將來解俱可通而日時惟爾 Ŀ 美 初明示

者竊意多方之作 年 聍 爾 國 觀 從 ilij 干兹 其遷 而 周 望 家 且. 自時洛邑 忠厚 居 動浮言乃更有多士之申故前之多方兼 之多士專毖殷前之多方兼 洛爾小子乃與從爾遷若其為始遷之詞 西爾日今朕作大邑于茲 然則遷洛一事始 以士之 姑寬期以待之消乎洛議既定 一語多士則 為民表 原為遷洛之分一時頑民未即 此自是殷 發令于 鄭重而詳言之日 洛日 遺始 士民而後之 多方而實 一爾派 無 不式 而猶 有 地

子之膏也 于多士亦經數年而後定者故書序于多士就其遷 可自由政立一关。 書之前後之不能無差互也固不可盡執以爲孔 既定而言遂以遷殷頑民繫之成問既成後欺若 案察傳復引召點乃以庶殷攻位于洛汭作証 **多方在多士之前即昔除來自奄一語足以斷案** 遷民在營洛之前即爾尚自時洛邑一語足以 逖言也然則遐逖何所指日左傳言分魯公以 爲明切非必接發爾遐逃爲論端也恪不可以 荱 盆 斷

作 [[] [] [] 上午 | 人名 返 故分析以間之正不止一洛可見并殺于此 氏分唐叔以懷姓九宗職官五正此正可為移爾 其宗氏輯其分族將其醜類以法則周公分康 冬月又記 以殷民七族陶氏施氏繁氏錡氏樊氏饑氏終葵 民六族條氏徐氏蕭氏索氏長勺氏尾勺 逖 比事臣我宗多遜注脚當時殷遺大 勢積 氏使 壬辰

行五百里虞翻謂太湖水通五道陸龜紫則又以其 游湖貢湖之分吳越春秋注又有東阜梅梁金鼎上禀咸池五車之氣至史記正義有菱湖莫湖胥 捌古之說者皆以為即太湖張勃吳錄謂太湖 湖說

尚書質是一卷上 之文而未可以釋周禮心葢山川地名容有相 名要之不離太湖一湖編由諸說核之太湖誠别 釋體例不容機混吳越戰處不過今蘇松常湖四 五湖此可以當國語吳越戰于五湖范蠡泛舟五 同 湖

名

湖県 東江長蕩射貴丹陽滆湖太制爲三江五湖于 叢話云以天下言則以大江中江北江彭蠡 矣如亦以五湖為太湖則是一 也哉謹案三江五湖之說不一明吳興姜兆熊樊 又以爲浸重見復出而與他 湖鑑湖為三江五湖于東吳言當以松江 以廣信始安鬱林林本南 太湖為大可以當之 日具區其川三江其浸五湖具區即 若 州之 周禮 太 肌官 職 例全相乖背豈 湖也既以為 洞

為澤藪又不得混入五湖之一彭蠡五者本周官記 的哲質是人生上 考禹貢之言揚州日彭蠡既豬二江既八震澤底定 四府當時揚州之域甚大疑未足以該之且太湖 亦以天下言則可耳洞庭乃荆州域與揚固無涉也 三江文同周禮震澤即具區則彭龜殆亦周禮五 邱 以揚州言也所言東吳茲即國語吳越春秋遊逢 二江之外八五湖之中者其地不出今蘇常松湖 一而其四不著故致說者芬如耳今夫東南 江五湖彼自彼 此自此可也 罕

為詞 爲注第日五 謂之湖則又安能遠從數千載滄桑迭變之後而强 古之澤國也枝津大廣渟蓄湃養所在皆是所在 指某某為揚州五湖之實哉以故鄉康成顏師古 五 水 湖 湖 經注江南東注于具區謂之五湖口五 則明矣 射貴 以漫游葢言江 國語越伐吳而職于五湖范蠡滅吳反至 一湖在吳而不詳其目要之不得以太 湖太湖上湖滆湖也郭景純江賦 1 水經緯五 一湖而苞注太 一湖 湖 調

言臨平湖自漢末穢塞今更開通湖邊得石函有 諸名求之耳縣注义有云孫皓天 璽元年 吳郡 亂不與職方同此注最為明切然則職方之五湖 口入五湖之中者也此亦别為三江五湖雖稱 捌而解越斯乃太湖之通稱也又云江水奇分謂 小石作皇帝字于是改天冊為天璽元年孫盛 殆如爾雅之五各邱巴莫適可考今惟彭蠡巢湖 湖見于周官記者尚有可從而其一則于長蕩 江口吳越春秋稱范蠡去越乘舟出三江之

為元皇中與之符五湖之石瑞也按此言則豈吾 鄉古大江而進浦陽非也鹿泉又識 那去大江而進浦陽非也鹿泉又識 那去大江而進浦陽非也鹿泉又識 那去大江而進浦陽非也鹿泉又識 作書聲教卷上

傳陽山古文以爲敷淺原與孔傳一名博陽山者合 以敷淺原爲廬山自朱子始有其說至蔡氏明著 到香爐大小漢陽諸峰下俯仰徘徊取所謂廬山志 门上下江北上 关二 中而王樵辨之今之說者仍據漢志豫章歷陵縣 始亦疑敷淺名義似不當以廬阜之高且大當之 戊申巳酉驛道往反皆穿廬山之陰旋留豫章三 疑廬阜未必獨遺於禹貢以未得目驗其地爲憾 兩住南康使院面對宮亭星石後倚五老峰嘗一 敷邊原說王子補作

**適之尚是明桑喬遺本雍正初星子令毛德琦重** 高也惟自北而南剌揚處其中厥土 者其首條云廬山即禹貢敷淺原也盖即據朱子葵 下於荆彭蠡又揚之最下江漢諸川之 南下故有北極常見南極常隱之說其實極北高 南亦高人行旗南則但見南極之出地矣是相 而加質直别無考辨於其間謹案天地之勢北高 則經所謂後繫諸過九江下乃以 惟塗泥而揚叉 彭澤言深 所進以 折 而

)義也而廬山特歸然拔起於沮

勢全南下彭蠡乃合章貢十川之水以注之嚴與江高平之衆重耕作之功也江自左台二漢又過九江指其敷布於甲下而獨起日敷淺不言山言原者著 可是一次 建一条 山偏 偏履曠奥多可居處利耕作也故以其廣澗日敷而亦名之阜名之嶽自舟中仰之邈然天際也入 賴有虛 將直波而南矣然則爐 上接尋陽下臨湖口周遭 不折而迤北是以有江南東西道有廬山為之阻隘率湖口諸山以 湖口諸山以 綿亘其高大不及 脈爲岷衡之 扼其衝而 八都會

婁名敷肠山亦云 望敷山有夫 陽 郷夫與漢志傳 歷陵於今爲建昌縣屬南康府西南廬山在其東北 至於敷淺原洵平禹主名 結於江水為下流之關闌故特紀之導山日過 百里相望出縣 即如今舒巢桐六諸州縣皆見春秋可考則廬江 丁三下をしまる 博皆敷之訛也 後原之陽而名之乎乃古文 誤古人言地往往詳于西北而界東南故多 Ź 城北十五里有小山以視廬鏡如部 山南日陽是山正直廬南得非 山川無獨遺此之理漢之 即以當數淺原足 郑 離

方將移九江之在古海陽者于洞庭至神 載 為匡續結廬事 制者則予之為是說贅 **緊置諸不論并不載朱蔡一語亦可謂能刑落** 然 關焉又有廬水為豫章十川之一與廬山皆地 النده مست سأنت 自當以古廬 經說也故復收附諸說篇之未兩存之 太史公有南登廬山觀馬疏九江之語後之 秋在江西作本為盧山志書後者 以爲廬山得名之始而世 戏國名 山其墓 為楚屬罕通 仙傳又 俗爭信

是言 爲 交德 未 屯弟 紀 **堯舜禹名也放勲重華文命號** 述 可蘇 非 朱其 則 必有所 知當時以為稱號久矣漢去古未遠太史八出名也放數重事 > 1 則號亦非所安也竊謂禹之號交命唯其有 而蔡 子號 而號之 放勲重華文命解 集放 氏 傳 日以文 壯勲 亦趙 **业则 數于 四海有** 因 文命爲名則敷于四海爲何事孔安國遂撰爲總言德葉之詞 云史 臣注 為美 何疑焉堯有 **挑**堯 光 然 陈 氏 直 育之 史公 斷 摯贅 則

之詞也豈得同日而語者哉 後 迪 號放勲舜繼堯之明故號重華古人交稱其實非 三日字史臣之辭也日允迪厥德此日字阜陶陳 耶是又移步而求前影也日放勲日重華日文命 為此解其推堯舜禹之為名其受命于尊者而 世王者敬稱而已及日以類求之則皐陶為名允 熟重華文命則其號謂之名人之所以名之者 路史堯舜禹非諡辨已有此說而近煩瑣故約之 明切又引始皇之制朕周太古有號無論

りまする。 **隤**數伯盆字見酈道元注推是言之古人豈嘗單 高宗肜 號古道尚質但不諱名耳庭堅專陶字見杜預注 周制之先故湯誓湯皓太甲盤庚皆著號不著 而已湯名履天乙成湯皆號也自是始用諱實開 以名哉史書闕略故自夏后改以下僅得錄其名 皆以干支紀號其名則竹書紀年詳之非盡無 有號死而以行為證云云夷考古者有名斯有 張晏之徒乃謂夏殷皆以名為號顧氏日 日則又追書廟號與典謨異矣葢史載商 署

肅諸 書事稱錄公者而附會作解也是也于是蔡氏傳採 公司 医可靠孔 定证人 人名上 萬幾之政注疏同孔叢之書晚出不知為孔安國 大麓之說不一孔叢子載孔子答宰我問以爲大 **欺駁之者** 是堯納舜于荒險之地而以在風霹靂試其命子 出其上麓錄一字古罕通用殆是見後世有錄尚 史記及馬鄭而斷從山足日麓一語則又有駁之 人之祖孔叢歟抑孔叢之因諸人而託諸 日納于百揆已是最尊顯之官無緣更有

尚書大傳慶言大麓之野稍知所折衷案唐傳堯 則失之鑿耳顧自史記有山林川澤之文而相傳必 之 致之以昭華之玉虞傳維五祀乃浡然招樂興于 鹿之野大麓者地名也葢必當時原有其地近 畿名大麓者堯舜俱先後行禮作樂于此越數干 謂 舜而尚之屬諸侯焉納之大麓之野烈風雷雨 不懼者不必皆聖人為天子而後能之也旣而 久而失其處湮其名矣彼說者直以鉅鹿實 第 山足耳何必荒败且世固有涉險惡遭變 4

以天位之重于是擇地于郊肅四岳八伯攀士民之定也堯之試舜自在上三事三事旣舉堯知舜可界 暴雨之群也下帝日數語正此時事舜讓而後使 的替貨。是一卷上 迷者著其時之天人協應適當時和景明而無疾風 以為歷試之一事與下節若遭疆者固宜其相持 則更臨之祖廟以重其事而舜不得辭矣讀書誠 觀瞻格舜而授命焉所謂納于大麓也烈風雷雨不 其大意何必沾沾于一說哉 大傳鄭注山足日麓麓者錄也古者天子命大事

致天下之 兩歧释 儒 國 命諸侯 之 但 外 庭泉 夘 文 則為 錄訓之出孔傳而不知 數 事使 但載 自 語實是不列路史取以為說惜其繁猥 堰 킚 國之外堯聚諸侯命舜陟位居 其山足一語而不知其非正 大錄之和同二說而為之解 鄭亦主之然爲增 解後 類涉

上印建了安見不此人 音之轉易于義當云祖禰而云禰祖者猶詩云妣 引尚書亦作祖禰唯三軍篇一作藝祖伏生大傳 藝祖傳藝文也釋文馬王云彌也今案史記五帝 抑亦等而上之之義軟凡王者諸侯出必稱告祖 紀云歸至于祖禰廟禮王制云歸假于祖禰注祖下 曾子 反亦如之未有告祖而不告 禰者此祖是堯 及繭二書並述尚書並無藝祖之文白虎通巡行篇 祖則知藝字即禰字或爲古文之通用或以 祖解 語

祖 証特自唐元宗作起義堂頌稱高祖始乃方與本 爲 遂以藝旭 是蔡氏書傳雖欲更正其說 王注及姚方與奏上孔傳而後改藝為交後世 藝祖不知前代亦皆稱其太 則堯之親廟也當古文尚書初出時舜典、 事也前此皆未之有至 為太祖之稱日知 疏鄭以藝祖為文 朱既稱太祖為藝 錄云人知朱人稱 祖猶周之明堂似 祖為藝祖然其 義 巳自相牴牾不 有所止矣

尚書資歷不卷上 據近平湖陸氏奎勲作今文尚書說復斷文祖為 帝兽藝祖為顓頊更硬派安應也癸巳春自記

城去鳴像不甚遠可與孟子文合而後釋然于蒼梧 之果非一處然亦於疑海州之遠鳴條自當即夏之 らりきずいまると 語箋有据呂不韋書作紀蒼梧山者以為陳留平 相 史也豈得無稽思葢嘗疑蒼梧必是古今地名有 有鳴條亭海州東海縣有蒼梧 同者不必其在南 然檀马史記皆言蒼梧之野此漢以來相傳正 疑舜冢之說致不足信自當以孟子卒于鳴條為 方及讀路史辨帝舜家又見家 山海州近莒 之

爲絕句以方乃死為釋詞自著之而自釋之古經無 此體也徂乎方之解猶是遷就害辭也與 方乃死川谷變遷地里多闕後儒遂誤接他處偶 鳴條在安邑西者其于舜都為甸服蒼梧或其一名 或其旁近未可知也舜既耄期違方巡狩大禹任 一章 一克 而近畿春秋之省或猶不廢躬行史紀其實故為陟 以實之致多怪迁悠繆之談宜矣至或者以账 同

鬼神莫不聽命焉唯其勤民率物之誠常有以格 帝譽序三辰禹主名山川非有功德不在爬典其在 大權非徒羣天下之人材皆其所峷制而驅策之飢 史記作絀陟遠近去鬼神處幽故言遠人處明故言 近必非以遠近為善惡之義盡古帝王黜陟天下之 未有作善惡字用者自偽孔輿妄說而察傳因之老 故其效靈受職之理不異于治明是故黃帝正百 **熟货函明經書中言幽明皆以幽謂鬼神** 學年 走一天 點吵幽 明解 明調

諸侯危祉稷則變置然而旱乾水溢則變置社稷 則無幸祿無遺賢而上下有章矣史臣紀舜治功之 有點勝則無沒祠無矯舉而民神不雜矣明有點防 **视典者又必别其功德之大小以定位號之崇昇性** 之等殺五嶽視三公四濱視諸侯小名山覌子 絶 殺 括其成以見無所不統負如此呂刑 明 地天通周有降格此縣陟幽之事羣后之逮 明 柴常鄉寡無盡此照防明之事也 日乃命

作好 稽庸勿詢不能執中而四海不免困窮矣有願因窮而不願承終者不敬修其可願善敗之幾樂辱之主皆在乎此不可不愼 其可願之下皆文義緊接葢當作一反一正解之所困窮天祿承終二語一承允執其中之下一承敬修 以 雙 前年至 € N だ 中 關上文四海困窮戒詞也天禄示 永終史記三王世家<u>齊王</u>関策文 語 禄 用初讀以為疑及紬釋尚書論 **永** 解 引 **換地人** 語 知敬 則 原文四海 此 四字基 将 詞 君未言

終又言永固非惡語 身 祈 或 其 願 作害 大哉 解俱可通 中 而 印通天禄永終即太甲之自周有終召誅之及四海之人或作富有四海而至于困窮其 朕之命汝者止此而已不更益矣四海困窮 或以出好或以與戎其為善敗之則殺人心之害一則存道心之效 **凡勸勉質商之詞無不以** 必擇之精守之 汝惟終汝丞有解詩之以 九 執厥中而天祿 克終爲期者 **宾四** 效地 夫一 如 永保 此

| 傳亦云天之旅籍長終汝身正義申之爲享大福保 1月世界在八五七十八五代十二 大名有以必 勉詞義並得通葢孔傳本如此妥巴十二月又記 道困窮即不廢困窮不虐無告之謂則上句亦為 論語包成注天隊所以長終亦同孔意但釋上句 非耳或調常存四海困窮之心斯得天豫一承終之 LE

出會滙之文江與漢會自漢口入江之時已然更非 複義可知也子讀東遙北會于濫自孔傅迄今必以 禹貢山川以一二言括千百里之遠其不容有 儒之說乃知經文本明端由說者致誤干載因仍 引 查证许不及一条 入于江之下漢旣與江合一明乎二川同濉據文漢 此而始言會也予喜察之地形訂之圖說以合諸 即彭蠡滋感焉案導漾係東涯澤為彭蠡文承南 主據地江為主不患錄此而遺彼矣何待導江複 東迤北會于滙解

奚可乎此蔡氏之蔽也若夫東迤北會于滙則蔡氏 繼之東艦澤為彭蠡言其與江俱東而有此滙也若 一 当下上大人之人 更日南雁則旣南入而旋南出漢且橫溢于江外矣 儒攻詰夫漢在江北故日南入于江謂漢之南心即 有蔡傳稍能排衆論而質其疑惜其設難于彭靈文 **冮間大勢皆南因有彭澤之合及旣歷湖口穿馬 當** 下而直欲嫁彭蠡之名于巢湖及擇言不精遂致後 在江北而彭蠡則南江也方位顯有不合且江在 主巢湖固不可易益經交明有北字是言此滙之

易位矣今觀大江由安慶以達無爲皆北也巢湖在 適 言角于滙 而後言東並北其為乖 展更不止南北之 小孤之險以漸趨 **向成滙也言滙者意巢湖在當日尚未若彭蠡之 三曾者承過九江以來江挾九派之勢巢湖之水又** 一名則第日滙而已然巢湖雖未若彭蠡之大亦合 北諸山之泉周廣四五百里大江資以豬洩馬 出而合注于江心言于者明先涯而後會非因會 とうちょうない かんしょう 水經涉其間為江北之大都唯此足與經合其 北岩 如諸說涯即彭蠡則經當先

細求北字下落觀禹貢雄指于經交地理極精搜拱不應獨遺顧緣彼此同一滙字諸家視爲一處叉不 爲字斷當從注疏及史記諸本作于云 而此一 之 滙盐 係理秩 一字顯涉模糊子故接蔡傳而别其是非覺經 指 固城 然有兩得無兩失至碩寧人以東迤北 石臼等湖則又舍其大而重拜其 細

免恥 青莽傳不 奴正 者有場此 音 士之兩以為作義戮 臣傳 伐 奴故為 汝 證 解 ~上用命 

輕 戮之 右戎 述 亦尚 而 用 兩 数字 殺之 御之 死莫重 英重于数日地之前如此 法 敖 七卷 之復辱 削

見于西邑夏句法語意俱同暨之言及也速也躬賢 生すかまると マント 知之 事而不協于克一 云親逮事之見湯之無時無事而不 德威有非君臣之詞乃言過德之有常無時 能事事備 也太甲亦逮事湯而于乃 認暨 周歴而 躬暨 一場咸有 熟承者告之言 悉其全故尹于 也惟尹躬登湯猶之惟尹躬 젪 西邑夏于湯皆特 ( ) 行終始 (親切 然也所謂 惟

王必稱尹後人亦稱伊尹或舉官名通言阿衡保管唯湯是號故尹得稱之于嗣王之前尹是名故言 有之 則 嗣 臣之必出于法已又可乎矧先言尹後言湯尊 古人之所宜有不寧惟是伊尹尹其名也湯號之師儼然雖身其間頡頏威福皆非理之所敢後君于文為不順而作神主享天心受明命有 王之法 尹以純 祖也自贊則欲王 之 德質湯可也亦以自贊可平質湯 一之法 已 而并將使在

敢 「印きヨ近れない」(いい 惟 爲名古道簡直也然舜與禹益之言堯德皆稱帝 直斤 直言堯至殷而慚趨文矣今如由前之說則即 尹躬置湯豈有于已 自稱其于揚則與丟舜禹同為名夫堯舜禹之 尹爲字又撰爲湯使尹正 平則皆舊說之習而不 得以成輔相之功不 語之間而對君與對人孫子之道全 右厥辟宅師葢承上文言先王 則飾稱字號而于先王之名 過左右其間耳 察也 一天下號之 一德同病并附論焉鹿泉又記作尹又能云云便不免尹自言其功之意與咸有加于先王也語意即下所謂相亦惟終者孔蔡俱

此經之讀則不必然葢傳王者主民當敬民事民是漢唐人讀經破句如是者固所多有良無足異上句或見傳言民事無非天所嗣常也以為子前 者高宗 彤日 典祀 語繼異 無豐于 昵 析之釋 後 解 下学 蚭 (所嗣常也以為) 道無心 典字屬 事民 異人 讀 以繼以

過 之王 有. b 敬民 之 嗣 而 破 常連其所不當連逐于經文之連讀甚明史記作常祀尤可証 以議 也 經 昵之言褻近 近廟 與祀無豐于昵敬鬼神而遠之也豐之猶 事 上 事則無不為天所監錫祚綿長者敬民務民上二句所以結前所謂義所謂降年永也言議孔氏之非亦誣甚矣葢此經孔氏之非固連其所不當連遂于經文之典祀破其所不 王 因 戒其不可過于褻近 服 罪改修 或者誤讀 即所謂黷 句 係文 則為

孝子之

		傅文且難讀殆無怪經文之叢誤也數
		7


下必有 載 範惟辟 言也問 可疑者子未 水心先 編其 者 屯 腷 至氏從而申之日人君奉天而已刑也職民從而申之言所以戒枋臣水心之其處屬者故作此語不然其子不能生態,以殷之末造紂雖諸事自事未暇詳其說第就今謝山全氏經由 因 辟 便不本天命作威 威惟 辟 子不應 温 賞

治道 尋釋 業之心絶 挺 相備豈知 於經而不得經 於之心絶矣玉 於之心絶矣玉 告 之言治 也之 · 無事不本之于天精之 《施未有失由後之解經 《施未有失由後之解經 《施未有失由後之解經 》 《施未有失由後之解經 》 後 無 有 用則小 游全氏此 一三語為聖· 未 个有言惟辟者其 个有言惟辟者其 人子人故日天工 者失之 說于 **个** 反 經 徒 復 義 帝

以知作此 固 其平言 作 稲 相 且作之 之 食成 由非 威 之 見 合 天以 共 惟 下為當情為 于一尊 柄則治 有 作 訓 不必 作 相 上備 好 乎 可 一與下交相警 一為作好作惡 一為作好作惡 一 **予萬名養** 解作群 22 鮮 所 作 乃而之以

第日惟辟作福作威玉食而已是又商王受優為之 第日惟辟作福作威玉食而已是又商王受優為之 第日惟辟作福作威玉食而已是又商王受優為之 玉食未 家作仇 福 威 食之心是 以 恭儉

謬相 然以武王之聖武非不足于威福者當開創伊始 「りますデモなど」をこう 經之專爲人臣訓而忘箕子之 訪道之誠而箕子告之方當進之以寬大持之 陋狃于尊君抑臣之習不能窺見聖賢微肯迷 懼而豈有導以專欲自用之理顧自漢以來諸 萬世之爲人君爲人臣者若是其深切著明也 同為凶害于家國民人而不可救盡 可破 致使騎君昏主奉為口實有心 為告君者于是 なな 所以



為後字証左傳成王分殷民命以伯禽為命字証又後治洛毛西河援公羊傳封營公以為周公後一語立公後則主封伯禽事言蔡不主伯禽以為命公置 後只是命公經理以後之事兩後字未見有異毋往已明為命公酉洛並不及立後本節又云廸將皆蔡傳之悖亦說之强博者然觀經下節云公定 ウキーモモード 

後定也觀魯世家載周公誠伯禽語于成王初年管公太公皆始終王朝其封國亦當以子代不待久而 文于其下可以考見左傳所云分殷民者亦是作洛 祭事前又云伯禽即位之後有管察等反並載費誓 魯國虛無人焉主之其爲伯禽必也不难周公即 枝節若伯禽之 本在武王定天下初而公未嘗至魯歷武及成豈 封理不當在作洛以後盎周公封 世藩鎮名目致使毛氏得資口實然於氏亦非謂 兼參立解惜蔡傳有未及而所云畱後乃滴治事一以屬公矣此就治洛之先後言也一 指還朝之 與公並至洛今 先後言也凡善始尤貴善終王若日 之好詆宋儒亦猶宋儒之務攻 王先歸而公 **那是命公且** 12.1

周公自言謝王命之詞也禮支子不祭諸侯不得祭 裡 則 主 瓚從之矣二 自者文一 自武一 自也日 明王 以 起 鬯 賜 周 公 使 得 祭 于 文武 而 公 述 其 事 也 言 主 瓚 或 單 言 秬 鬯 然 皆 一 卣 洛 詰 何 獨 有 二 日 此 成 詩書所稱資秬鬯事若文侯之 周 青賀近风卷上 不自定宅 ,周公分無祭文武之禮成王以洛邑新 解 一以洛邑新建文 漢之 篇或兼言

有 予字屬 古 此 爲 其 毛 周公寄苗二 电自于考室時輕二王則西河所訾然毛氏解二 自當矣必仍徇王言王自言敬公可也公何當泰然述 之 秬 解 敬 段注 や之 而 下旬 禮 引 賜 蘇 疏 遂 但有享薦不聞其以 乃使 致 氏 公轉側費 謂王以事神 以祭其先 讀 傳改之 裸 禮 以 事公頗 器也 自 飲 拜手

專祭以千大焅是不足以糾傳達 予沖子得 配句為 一矣李文貞公疏此亦主蘇氏并 毖 青旗疑一卷上 **曹說亦多欠審敢** 祀 猶 在此 即指 云為百神主乃是王言惟公德如此故 位以承宗廟社稷之祀耳全與此 敬公言與此事相証更覺未安 并申其解 '援前予沖子 而適自形其悖 丰 一按風

機稱軟先 在群作福三旬怪世之, 和世祖三旬怪世之, 和世祖,外日里, 一月, 一月, 一月, 一月, 一月, 一月, 一月, 一月, 一月, 走一条上 儒所 先哲王之失言則悖矣夫成王承周所以為後世騎主詣臣戒者未當不陳觀察傳所載葛氏說及困學紀間何怪世之疑箕子為有疵旣不憚申其弊不至于毀經誣聖不止予于洪 不咎解之未精五 周公之 此既不憚申正小止于于洪範 精而 反 聞

吉必以善是責難之忠至矣王 告不敢宿也行之 益宏矣以是而見諸施行未得告不敢專也旣 爾后于內言所當言也爾乃順之于 **君者莫患乎于聖而制其臣以不言今善必人** 人臣莫患乎有善而不肯言與可言而不可行 而無非當乎人情 子贊坤道 諛明矣 期之 以是是虚 則有以善官

稱君之 夕致疑者 版以歸善于已乎然而孔子引此書則以爲善 勿碎 学年近 学会上 以不入告故不可以不順之于外也而豈王之 之德者又申言斯實關係乎吾君德者大故 記載記出漢儒雜採緇衣坊表所載先儒 察而奉爲正解後人又不察而妄以訾成 即果孔子之言要亦斷章取義非經本 何不讀下文下之固明告以予 世媕阿從令之為平日斯謀斯猷 以從令 ·臼辟

善望其 臣者哉

衆皆甚感出而陳言于上也曰率則明有率之者 為下在位句伏脉矣我王來旣爱宅于茲重我民無 矣然近河而未有大害嘗以卜稽之其詞固云河無 額衆 威出矢言曰者即上不適有居之民相率呼籲 盤庚首我王來一 者據今我民用蕩析離居似有不能胥匡以生之 り皆兵走した ;我何也商俗尙鬼故託之于卜其如台猶湯誓之 劉者指 祖乙事也 一大段似是羣下之詞非王 不能胥匡以生卜稽曰其如台

**南寧不常厥邑于今五邦者承旣爰宅于兹固** 居垫隘叉申孔意以為地勢洿下則尚未若從前之 記書序並不言有河患疏載鄭王以爲風俗奢侈品 不重我民不恪謹天命矣所以反形下文也茲猶 舉 河其遷皆以國都為河所地若天之斷命然者 决毁彼民安測未形之患視為得已而不已 **哈謹乃不敢輕舉妄動之意考盤庚之遷** 八如台乃小民不知利害之常語 以前諸先 王巳事以明之先王有服恪謹 也商惠莫

故 矣 **计图式汇入 後四方者又因** 天之遂經 都不為天命 今 命 我命 所屬今既有爰宅即不承古而遷, 門知天之斷命者古先王之遠子 遷亳遷聊 管彼已 我 也 以勉王而申言不要找命于兹新邑紹復 矧日其克從先王之 )顛之木 與相 古大水 則 遷之利但之 2烈若顛 但在 大

不當輕動 詠其 邑老對亳 開 是矣自 知大計徒以安常襲舊示之又察見民所以然 郑 無或 所 殷 也 敢 謂 民 盤庚 之 伏 Č 爲 之 矢言 % 教于 2 耿 放居 之 攸箴 然省如 民由 為正 又以 庚 也 乃 由 法度 乃史 在盤 在位 庚 爰宅 位 臣 之 于民 以常善服 將 假人 之 明王 作 未 詞 云 民 若 謂 隱 决 便 教

蘇此篇者善其遭圯毁败政而不徙此註亦可為蘇此篇者善其遭圯毁败政而不徙此註亦可為蘇此篇者善其遭圯毁败政而不徙此註亦可為蘇此篇者善其遭圯毁败政而不徙此註亦可為 天其永我命于兹新邑之為殷 所 修德以禦之不復徙

亦作為で、一下非不欲 益見 並新邑之為 五 不 從 厥 志精 矣 又 即 是民 惟爲汝民故不 以 所 樂易 有居 之為 種子 何 一從汝言、 耿而非 滋者故 問無 欲 額 順 平原 類 然 矣 唯 不 於 斯 衛 之 言 正 以 善 從 立 善 從 立 善 從 立 善 從 立 善 從 立 善 從 立 善 於 數 然 矣 唯 即其率為 以 額 之籲懷即先 無件 哉 一言懷安于 矧其 新邑日汝志蘇 雅 其為 兹 耿 此說

けいまなしては **庚子春記 殿至下篇用永地于新邑乃既遷之後方是謂殷 芳茲言茲言兹新邑皆以現在所居言指耿非指** 所居之耿乎盤庚上中二篇皆未遷殷時作凡言 正

弼 云 天子有問無以對責之疑可志而不志責之承古者天子必有四鄰前日疑後日承左日輔右其地之近則日鄰以其職之重則日輔尚書大為馬日欽四鄰成王命周公日亂爲四輔一義 导致延续、整上 謂之 何謂 次 四近 也 君此 輔 此伏義也孔叢子孟懿子問書可揚而不揚責之弼其舒視其 日王者前有疑 死後有丞左, 承 傳

備惟其人疏四輔者書大傳云云洛語疏即引文 云虞夏商周有師保有疑丞設四輔及三公官 世子為說朱子亦云四輔猶四鄰此疏義也買誼 問應而不窮者謂之道道者導天子以道者也常立 常立于右是召公也博聞强記捷 于前是周公也誠立而敢斷輔善而相義者謂之 切直巨過而諫邪者謂之拂拂者拂天子之過者 明堂之位日篤仁而好學多聞而道慎天子疑 )意者也常立于左是太公也溶亷 輔

前等軍能不然上 承承者承天子之遗忘者也常立于役是 輛蓋 之疏以補其缺正其誤焉 周公為成王四輔 此又可為成王 石輔弼也 屬 本諸此 中立聽政而四聖維之處無失計而舉 公與禮樂育人才使我士 保文武受民備異日四輔之惡也 不言前後則四鄰止二鄰于洛詰 則以洛邑為輔四輔止一輔是用倉 四輔之明証也察傳于益稷日 乃已然事何待更以 師工

為一身而已哉如此解當更切至總之蔡氏以輔矣此古聖賢君相深遠之計豈若後世但務目前公之功不患其極盛難繼而國家可以百世長治

篇乃周公與王商治洛邑之本末及王命公後使 洛語之文當在周公拜手稽首之上 康誥首惟三月至乃洪大 錄之備考焉其云以召誥所紀時日推之所謂惟二盡的及觀近丹陽姜上均尚書麥義疏此節頗詳密 復君臣相告誠而已並無見士誥治之女蘇說未 既望越六日乙未益二月十六日至二十一日 **两午朏則三月初三日也越三日戊申初** 許 今從之按洛

告卜之文其三月哉生魄此節所稱乃即十 午肚于新邑之次日十六日已未也周公旣以民 和會見士于周因有洪大誥治之文則誥文必别 卯周公達觀于新邑營因有洛語首三 日也越七日甲子 篇 日也越三日丁巳 而其女亦旣逸矣若斷其爲洛 七日也越 在拜手稽首誨言之下 日甲寅十 日也越 一節以 五 日 B

**命庶般唐孔** 不應以此穕之也故吾以此四十八字當屬闕交 可盖底近人公上 紋而非洛許也或曰見士結治即召許之朝用書 而不必强為附會者也姜氏之說如此然則蘇 級書云越六日甲子矣盡語治者語 甲子也若以爲一事則此節不當獨標以哉生 為公與王商治洛邑本末及王命公後之文恐 氏以為一事非叩曰彼自在戊午越 役之情故曰播民

氏云 歲庚午館淮 篇及今熟考之亦非甚確恭此 例足正蘇蔡之違遂存而弗削云戊戊冬自然與其妄寫無寧闕疑其比櫛月日猶合孔 「經始之至二十一 而思移撥矣姜氏尚未脫窠臼至欲另造書篇 (疑卷上 正蘇蔡之 一旦更用役書而命之也亦姜 美氏新 櫛月日猶合孔疏 四十八字斷是 東君 凯